

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI^e siècle apparentés au *Trésor des joyeuses inventions*](#)[Collection](#)[ŒUVRE : Verger d'honneur](#)[Collection](#)[Édition : 1512 - Verger d'honneur - Petit](#)[Item](#)[\[1512c_Vergier_dhonneur_Petit\]](#) 240 D'une Dame plaisante et belle

[1512c_Vergier_dhonneur_Petit] 240 D'une Dame plaisante et belle

Présentation générale du poème

Titre de la pièceBallade.

Incipit non moderniséD'une dame plaisante et belle

Les pages

En passant la souris sur une vignette, le titre de l'image apparaît.

2 Fichier(s)

Présentation de l'exemplaire

Formatin-2

Imprimeur-librairePetit, Jean

Date1512c

Lien vers la notice du catalogue de la bibliothèque où est conservé

l'exemplaire<https://catalogue.bnf.fr/ark:/12148/cb39363870g>

Type de numérisationNumérisation totale

Emplacement du poème

Rang dans le recueiln° 240

FoliotationX1v, X2r

Présentation typo-iconographiquePas d'illustration

Informations sur la notice

Contributeur(s)Parra, Marine

ÉditeurÉquipe Joyeuses inventions ; EMAN (Thalim, CNRS-ENS-Sorbonne nouvelle)

Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Source gallica.bnf.fr / BnF

Notice créée par [Équipe Joyeuses Inventions](#) Notice créée le 29/03/2019 Dernière modification le 04/11/2021



En cela na point de raison

Franche douceur de hault paraige
Dame de supernel couraige
L'onioincte avec honneur et los
Vostre supellatif langaige
Ma fait laisser mon cueur en gaige
Pour tourner ouyr Voz propos
Et me tenir de Voz suppos
Quoy qu'on en dueille marmouset
Ne iamaïs nauray bon repos
Qu'en tous lieux sil vient a propos
Ne soye prest de Vous baiser

Helas et faut il que pour dite
Vng petit mot sans mal penser
Qui faille en ce point mescondite
Le soulas ou mon cueur deduite
Esperoit pour son temps passer
Faut il mon amour compasser
Par Vne rigueur si haultaine
Qu'il me soit force trespasser
Et mourir pres de la fontaine

Vne m'a mis en sa subiection
Par quel que attrait de consolation
Du ie pretens quoy quil tarde servir
Et nuyt et iour par telle intencion
Qu'en peu de temps pour resolucion
Samour entiere ie pourray desservir
J'ay entrepris doncques de poursuyvir
Mon entreprise par si grant diligence
Pour mon soulas et plaisir assouvir
Et de si pres la hanter et suyvir
Qu'en la parfin ien auray iouissance

Par Vng desir qui mon cueur pique
Mon Vouloir de tous poincts saplique
A servir amours et sa bende
Affin que guerdon autentique
Me soit rendu damour pudique
Tout ainsi que ie le demande
Et affin que si condescende
Le dieu cupido somme toute
Avant que plus long temps iattende
Je luy feray offrande grande
Sil faut qu'au harnoyz ie me boute

Entre Vous dames amoureuses
De beaulte tant solacieuses

Que lesprit des humains se pert
Pour dieu soyez nous gracieuses
Sans plus Vous tenir precieuses
Autrement Vostre faulte appert
Longnoissez le Vouloir des gens
Qui sont prestz prompts et diligens
De Vous honnourer sans cesser
Et ne leissez les indigens
De grace avoir car negligens
Ne seront de recompenser

Vng regart doeil nest pas grant chose
Vne parolle a bouche close
Vng deuis a propos perdu
Vng moyen sans tepte ne glose
N'atraict que dun raport la glose
Dont maint franc cueur est esperdu

Donnez reconfort aux malades
Receuez rondeaux et ballades
Longnoissez le train qui nous maine
Vers Vous par douces ambassades
Et Vous monstrez damour si sades
Qu'on disse questes trop humaine

Raison a ce fait Vous enforte
Se contemplez la douleur forte
Et le desplayr que portons
Et pourtant ouurez Vostre porte
Doite pourveu qu'on Vous apporte
Autrement pas ne lentendons

Ballade

DUne dame plaisante et belle
Que dieu au monde a procee
La plus gracieuse pucelle
Qui fut onc de mere nee
Ma pensee est toute ordonnee
Destre en secret ou en commun
Son servant soir et matinee
Mais quil luy plaise en avoir Vng

Elle est de si noble faconde
Et de si gracieux maintien
Que ne sai he femme au monde
Qui soit de plus bel entretien
Pour mon honneur donc ie Veulx bien
Dire cecy devant chacun
Que son serviteur ie me tien

Mais que luy plaise en auoir Dng

Pource qu'en monde cest ladame
Sur toutes que iayme le mieulx
De cuer de corps et aussi dame
In cessamment de mieulx en mieulx
Humblement aymer ie la Deulx
Sans Vice ne sans mal aucun
Et son seruant suis en tousiours
Mais quil luy plaise en auoir Dng

Prince sachez que de bon cuer
Autant apres boire qua ieun
Je seray son bon seruiteur
Mais quil luy plaise en auoir Dng

Ballade

IE Vous prometz sur dieu et sur madame
Fleur de beaulte qui toutes autres passe
Que soubz le ciel ne scay fille ne femme
A qui mamour du tout donner iossasse
Plus Doulentiers ne aussi que iaymasse
En cestuy monde tant par fait que par die
Se pensoye estre en Vostre bonne grace
Si tresauant comme Vous mauez dit

Et touteffoys ma singuliere dame
En esperance mon Vouloir se compasse
Pour Vous seruir de cuer de corps et dame
Tout mon viuant quelque chose que face
Et desormais prendray temps et espace
De bien garder Vostre noble credit
Mais que ie soye en Vostre bonne grace
Si tresauant comme Vous mauez dit

Pour Vous seruir sans deshonneur ne blasme
Jamais nul iour mamour ne sera lasse
Ma maistresse desormais Vous reclame
Pour la beaulte de Vostre douce face
Ne nay pas paour que Vers Vous ie mefface
En rien qui soit sil plaist a iesucrist
Mais que ie soye en Vostre bonne grace
Si tresauant comme Vous mauez dit

Prince

Pour Vous belle nayt et iour ie trespasse
Du a pou pres touteffoys il suffit
Mais que ie soye en Vostre bonne grace

Si tresauant comme Vous mauez dit

Consentez Vous qu'avec Vous puisse Viure
Sans me Vouloir mutiner par rudesse
Car ie suis prest de tousiours Vo' pouruyure
Comme ma dame et ma bonne maistresse
Je ne scay point de plus belle deesse
Enoy que subit Vous manuoiez au peautre
Et mon ploisir ma ioye et ma liesse
Tiendray de Vous sans cesser et non doutre

Censuyt Dng aduertissement damours

Dieu imortelz q'gouuernez le cieulx
Tresprecieulx par motz solacieulx
Delicieulx Venez a mon secours
Car moy qui suis dune dame amoureulx
De mieulx en mieulx dot souuēt dontouteulx
En plusieurs lieux me trouue tous les iours
Tous mes seiours sont a penser tousiours
En mes amours ou mon cuer est bonte
Dont suis le iour maintes fois reboute

Chambre dhonneur pourpris de gentillesse
A qui est d'heu le tribut de Venus
Nom sumptueulx port de haulte noblesse
Dame en qui sont tous haults biens contenus
A Vous seruir n'es espritz sont tenus
Royaulment considere lhonneur
Les biens aussi qui me sont suruenus
En meppoussant Vostre humble seruiteur

Bruyt excellent source de sapience
Aueil humain triumphe magnifique
Royaal rubis plain de beniuolence
Ruyseau de ioye/pauillon deifique
Dire diuine par essence publique
Je Viēs Vers Vous de tout mon poure cuer
Se mon seruire a Vostre Vueil se explique
Ne declairer Vostre humble seruitent

Vostre serf suis quoy que nen soye digne
Mais touteffoys iay Dng moult bon Vouloir
Vostre serf suis par faitz par ditz par signe
Pour en amours mieulx me faire Valoir
Vostre serf suis sans iamais me douloir
De rien que soit que me commanderez
Vostre serf suis sans mettre a nonchaloir
Ce que iamais hault et bas me direz